

摘藻堂四庫全書薈要

集部

欽定四庫全書
蒼要卷一萬七千五百九十六集部

御定全唐詩卷一百九十一

韋應物

有所思

借問堤

一作江

上柳青青為誰春
空遊昨日地不見昨日

人繚繞萬家井
往來車馬塵莫道無相識
要非心所親

暮相思

朝出自不還
暮歸花盡發
豈無終日會
惜此花間月空

館忽相思微鐘坐來

一作未歇

夏夜憶盧嵩

靄靄高館暮開軒滌煩襟不知湘雨來瀟灑在幽林

云一

不知微瀟灑
山鳥鳴幽林

炎月得涼夜芳樽誰與斟故人南北居累

月間徽音人生無間日歡會當在今反側候天旦層城
苦沈沈

春思

野花如雪繞江城坐見年芳憶帝京閭闔曉開凝碧樹

曾陪鴛鴦聽流鶯

春中憶元二

雨歇萬井春柔條已含綠徘徊洛陽陌惆悵杜陵曲遊
絲正高下啼鳥還斷續有酒今不同思君瑩如玉

懷素友子西

廣陌並遊騎公堂接華襟方歡遽見別永日獨沈吟階
暝流暗駛氣疎露已侵層城湛深夜片月生幽林往歎
良未遂來覲曠無音恒當清觴宴思子玉山岑耿耿何

以寫密言空委心

對韓少尹所贈硯有懷

故人謫遐遠留硯寵斯文
白水浮香墨清池滿夏雲
念離心已永感物思徒紛
未有桂陽使裁書一報君

月晦憶去年與親友曲水遊讌

晦賞念前歲京國結良儔
騎出宣平里飲對曲池流
今朝隔天末空園傷獨遊
雨歇林光變塘綠鳥聲幽
澗曠積逋稅華鬢集新秋
誰言戀虎符終當還舊丘

清明日憶諸弟

冷食方多病，開襟一忻然。
終令思故郡，烟火滿晴川。
杏粥猶堪食，榆羹已稍煎。
惟恨乖親燕，坐度此芳年。

池上懷王卿

幽居捐世事，佳雨散園芳。
入門靄已綠，水禽鳴春塘。
重雲始成夕，忽霽尚殘陽。
輕舟因風泛，郡閣望蒼蒼。
私燕阻外好，臨歡一停觴。
茲遊無時盡，旭日願相將。

立夏日憶京師諸弟

改序念芳辰煩襟倦日永夏木已成陰公門晝恒靜長
風后飄閣疊雲纔吐嶺坐想離居人還當惜徂一作景
曉至園中憶諸弟崔都水

山郭恒悄悄林月亦娟娟景清神已澄一作謚事簡慮絕

牽秋塘徧衰草曉露洗紅蓮不見心所愛茲賞豈為妍

懷瑯琊深標二釋子

白雲埋大壑陰崖滴夜泉應居西石室月照山蒼然

雨夜感懷

微雨灑高林塵埃自蕭散耿耿心未平沈沈夜方半獨
驚長簾冷遽覺愁鬢換誰能當此夕不有盈襟歎

雲陽館懷谷口

清泚階下流云自谷口源念昔白衣士結廬在石門道
高杳無累景靜得忘言山夕綠陰滿世移清賞存吏役
豈遑暇幽懷復朝昏雲泉非所濯蘿月不可援長往遂
真性暫遊恨卑喧出身既事世高躅難等論

憶澧上幽居

一來當復去猶此厭樊籠
況我林栖子朝服坐南宮
唯獨問啼鳥還如澧水東

重九登滁城樓憶前歲九日歸澧上赴崔都水
及諸弟讌集悽然懷舊

今日重九讌去歲在京師
聊迴出省步一赴郊園期
嘉節始云邁周辰已及茲
秋山滿清景當賞屬乖離
凋散民里濶推翳衆木衰
樓中一長嘯惻愴起涼颼

始夏南園思舊里

夏首雲物變雨餘草木繁池荷初帖水林花已掃園
繁叢蝶尚亂依閣鳥猶喧對此殘芳月憶在漢陵原

登蒲塘驛泂路見泉谷邨墅忽想京師舊居追
懷昔年

青山導騎遠春風行旆舒均徭視屬城問疾躬里閭
烟水依泉谷川陸散樵漁忽念故園日復憶驪山
居荏苒斑鬢及夢寢婚宦初不覺平生事咄嗟二紀
餘存歿濶已永悲多歡自踈高秩非為美闌干淚盈
裾

經函谷關

洪河絕山根單軌出其側萬古為要樞往來何時息秦
皇既恃險海內被吞食及嗣同覆顛咽喉莫能塞炎靈
詎西駕婁子非經國徒欲扼諸侯不知恢至德聖朝及
天寶豺虎起東北下沈戰死魂上結窮冤色古今雖共
守成敗良可識藩屏無俊賢金湯獨何力馳車一登眺
感慨中自惻

經武功舊宅

茲邑昔所遊嘉會常在目歷載俄二九始往今來復感
感居人少茫茫野田綠風雨經舊墟毀垣迷往躅門臨
川流駛樹有羈雌宿多累恒悲往長年覺時速欲去中
復留徘徊一作
徬徨結心曲

往雲門郊居塗經迴流作

茲晨乃休暇適往田家廬原谷徑塗澀春陽草木敷纔
遵板橋曲復此清澗紆崩壑方見射迴流忽已舒明滅
泛孤景杳靄含夕虛無將為邑志一酌澄波餘

乘月過西郊渡

遠山含紫氛，春野靄云暮。
值此歸時月，留連西澗渡。
謬當文墨會，得與羣英遇。
賞逐亂流翻，心將清景悟。
行車儼未轉，芳草空盈步。
已舉候亭火，猶愛村原樹。
還當守故局，悵恨秉幽素。

晚歸澧川

凌霧朝閭闔，落日返清川。
簪組方暫解，臨水一翛然。
昆弟忻來集，童稚滿眼前。
適意在無事，攜手望秋田。
南嶺

橫爽氣高林遙遙阡野廬不鋤理翳翳起荒烟名秩斯
逾分廉退媿不全已想平門路晨騎復言旋

授衣還田里

公門懸甲令澣濯遂其私晨起懷愴恨野田寒露時氣
收天地廣風淒草木衰山明始重疊川淺更逶迤烟火
生閭里禾黍積東菑終然可樂業時節一來斯

夕次盱眙縣

落帆逗

一作透

淮鎮停舫臨孤驛浩浩風起波冥冥日沈

夕人歸山郭暗雁下蘆洲白獨夜憶秦關聽鐘未眠客
春月觀省屬城始憇東西林精舍

因時省風俗布惠迨高年建隼出潯陽整駕遊山川白
雲歛晴壑羣峰列遙天欽寄石門狀杳靄香爐烟榛荒
屢冒星偏側殆覆顛方臻釋氏廬時物屢華妍曇遠昔
經始於茲闕幽玄東西竹林寺灌注寒澗泉人事既云
泯歲月復已綿殿宇餘丹紺閣峭欹懸佳士亦棲息
善身絕塵緣今我蒙朝寄教化數里鄺道妙苟為得出

處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱紛行崎
嶇緣碧澗蒼翠踐苔蘚高樹夾潺湲崩石橫陰巖野杏
依寒拆餘雲冒嵐淺性愜形豈勞境殊路遺緬憶昔終
南下佳遊亦屢展時禽下流暮紛思何由遣

山行積雨歸途始霽

攬轡窮登降陰雨溝二旬但見白雲合不睹巖中春急

澗豈易揭峻塗良難遵深林猿聲冷沮如虎跡新始霽
升陽景山水閱清晨雜花積如霧百卉萎已陳鳴騶屢
驥首歸路自忻忻

傷逝

此後十九首盡同德精舍舊居傷懷時所作

染白一為黑焚木盡成灰念我室中人逝去亦不迴結
髮二十載賓敬如始來提攜屬時屯契濶憂患災柔素
亮為表禮章夙所該仕公不及私百事委令才一旦入
閨門四屋滿塵埃斯人既已矣觸物但傷摧單居移時

節泣涕撫嬰孩知妄謂當遣臨感要難裁夢想忽心如睹
驚起復徘徊此心良無已遶屋生蒿萊

往富平傷懷

晨起凌嚴霜慟哭臨素帷駕言百里塗惻愴復何為昨
者仕公府屬城常載馳出門無所憂返室亦熙熙今者
掩筠扉但聞童稚悲丈夫須出入顧爾內無依銜恨已
酸骨何況苦寒時單車路蕭條回首長逶遲飄風忽截
野嘹唳雁起飛昔時同往路獨往今詎知

出還

昔出喜還家，今還獨傷意。
入室掩無光，銜哀寫虛位。
悽動幽幔寂，寂驚寒吹。
幼女復何知，時來庭下戲。
咨嗟日復老，錯莫身如寄。
家人勸我冷，對案空垂淚。

冬夜

杳杳日云夕，鬱結誰為開。
單衾自不暖，霜霰已皚皚。
晚歲淪夙志，驚鴻感深哀。
深哀當何為，桃李忽凋摧。
幃帳徒自設，冥寞豈復來。
平生雖恩重，遷去託窮埃。
抱此女

曹恨顧非高世才振衣中夜起河漢尚裴回

送終

奄忽逾時節日月獲其良蕭蕭車馬悲祖載發中堂生
平同此居一旦異存亡斯須亦何益終復委山岡行出
國南門南望鬱蒼蒼日入乃云造慟哭宿風霜晨遷俯
玄廬臨訣但遑遑方當永潛翳仰視白日光俯仰遽終
畢封樹已荒涼獨留不得還欲去結中腸童稚知所失
啼號捉我裳即事猶倉卒歲月始難忘

除日

思懷耿如昨季月已云暮忽驚年復新獨恨人成故冰
池始泮綠梅援一作還飄素淑景方轉延朝朝自難度

對芳樹

迢迢芳園樹列映清池曲對此傷人心還如故時綠風
條灑餘靄露葉承新旭佳人不再攀下有往來躅

月夜

皓月流春城華露積芳草坐念綺窓空翻傷清景好清

景終若斯傷多人自老

歎楊花

空蒙不自定況值暄風度舊賞逐流年新愁忽盈素纜
縈下苑曲稍滿東城路人意有悲歡時芳獨如故

過昭國里故第

不復見故人一來過故宅物變知景暄心傷覺時寂池
荒野筠合庭綠幽草積風散花意謝鳥還一作啼山光夕

宿昔方同賞詎知今念昔緘室在東廂遺器不忍覲柔

翰全分意芳巾尚染澤殘工委筐篋餘素經刀尺收此
還我家將還復愁惕永絕攜手歡空存舊行迹冥冥獨
無語杳杳將何適惟思今古同時緩傷與戚

夏日

已謂心苦傷如何日方永無人不晝寢獨坐山中靜悟
澹將遣慮學空庶遺境積俗易為侵愁來復難整

端居感懷

沈沈積素抱婉婉屬之子永日獨無言勿心驚振衣起方

如在幃室復悟永終已稚子傷恩絕盛時若流水暄涼
同寡趣朗晦俱無理寂性常喻人滯情今在已空房欲
云暮巢燕亦來止夏木遽成陰綠苔誰復履感至竟何
方幽獨長如此

悲紈扇

非關秋節至詎是恩情改掩嘖人已無委篋涼空在何
言水不發暗使銷光彩

閒齋對雨

幽獨自盈抱，陰淡亦連朝。
空齋對高樹，疎雨共蕭條。
巢燕翻泥濕，蕙花依砌消。
端居念往事，倏忽苦驚飈。

林園晚霽

雨歇見青山，落日照林園。
山多一作夕烟鳥亂，林清風景

翻提攜。惟子弟蕭散，在琴言一作尊同遊。
不同意耿耿，獨

傷魂寂寞。鐘已盡，如何還入門。

秋夜二首

庭樹轉蕭蕭，陰蟲還戚戚。
獨向高齋眠，夜聞寒雨滴。
微

風時動牖殘燈尚留壁惆悵平生懷偏來委今夕
霜露已淒淒星漢復昭回朔風中夜起驚鴻千里來蕭
條涼葉下寂寞清砧哀歲晏仰空宇心事若寒灰

感夢

歲月轉蕪漫形影長寂寥髮髯覲微夢感嘆起中宵綿
思靄流月驚魂颯迴颺誰念茲夕永坐令顏鬢凋

同德精舍舊居傷懷

洛京十載別東林訪舊扉山河不可望存沒意多違時

遷跡尚在同去獨來歸還見窓中鴿日暮遶庭飛

悲故交

白壁衆求瑕素絲易成汙萬里顛沛還高堂已長暮積
憤方盈抱纏哀忽逾度念子從此終黃泉竟誰訴一為
時事感豈獨平生故惟見荒丘原野草塗朝露

張彭州前與緱氏馮少府各惠寄一篇多故未
答張已云沒因追哀叙事兼遠簡馮生

君昔掌文翰西垣復石渠朱衣乘白馬輝光照里閭余

時忝南省接讌媿空虛一別守茲郡蹉跎歲再除長
懷關河表永日簡牘餘郡中有方塘涼閣對紅葉金玉
蒙遠貺篇詠見吹噓未荅平生意已沒九原居秋風吹
寢門長慟涕連如覆視緘中字奄為昔人書髮鬢已云
白交友日彫疎馮生遠同恨憔悴在田廬

東林精舍見故殿中鄭侍御題詩追舊書情涕
泗橫集因寄呈閩澧州馮少府

仲月景氣佳東林一登歷中有故人詩淒涼在高壁精

思長懸

一作懷

世音容已歸寂墨澤傳灑餘磨滅親翰跡

平生忽如夢百事皆成昔結騎京華年揮文篋筭積朝
廷重英彥時輩分珪璧永謝拍梁陪獨闕金門籍方嬰
存歿感豈暇林泉適雨餘山景寒風散花光夕新知雖
滿堂故情誰能覲惟當同時友緘寄空悽感

同李二過亡友鄭子故第

李與之故
非予所識

客車名未滅沒世恨應長斜月如何照幽林判自芳故
人驚逝水寒雀噪空牆不是平生舊遺蹤要可傷

話舊

亭中對兄弟話蘭陵崇賢
懷真已來故事泣然而作

存亡三十載事過悉成空
不惜霑衣淚併話一宵中

至開化里壽春公故宅

寧知府中吏故宅一徘徊
歷階存往敬瞻位泣餘哀
廢井沒荒草陰牖生綠苔
門前車馬散非復昔時來

睢陽感懷

豺虎犯天網昇平無內備
長驅陰山卒略踐三河地
張侯本忠烈濟世有深智
堅壁梁宋間遠籌吳楚利窮年

方絕輸鄰援皆攜貳使者哭其庭救兵終不至重圍雖
可越藩翰諒難弃飢喉待危巢懸命中路墜甘從鋒刃
斃莫奪堅貞志宿將降賊庭儒生獨全義空城惟白骨
同往無賤貴哀哉豈獨今千載當歎欷

廣德中洛陽作

生長太平日不知太平歡今還洛陽中感北方苦酸飲
藥本攻病毒腸翻自殘王師涉河洛玉石俱不完時節
屢遷斥山河長鬱盤蕭條孤烟絕日入空城寒蹇劣乏

高步緝遺守微官西懷咸陽道躑躅心不安

閭門懷古

獨鳥下高樹遙知吳苑園淒涼千古事日暮倚閭門

感事

霜雪皎素絲何意墜墨池青蒼猶可濯黑色不可移女
工再三嘆委弃當此時歲寒雖無褐機杼誰肯施

感鏡

鑄鏡廣陵市菱花匣中發夙昔嘗許人鏡成人已沒如

冰結圓器類壁無絲髮形影終不臨清光殊不歇一感

平生言松枝樹

一作掛

秋月

歎白髮

還同一葉落對此孤鏡曉絲縷乍難分楊花復相遠時
役人易衰吾年白猶少

御定全唐詩卷一百九十一

謹案卷一百八十九第十三頁後四行留別朋友

按蘇州集作親友

卷一百九十第十四頁後二行況昔別離久按蘇

州集昔作惜

卷一百九十一第七頁前六行終然可樂業按蘇

州集然作焉





總校官庶吉士臣張能照

校對官檢討臣王鍾健

謄錄監生臣王心仁

欽定四庫全書薈要

集部

御定全唐詩卷一百九十五

二至

臣紀昀詳校

詳校官候補通詩經歷臣郭祚職




欽定四庫全書會要卷一萬七千五百九十七

集部

御定全唐詩卷一百九十二

韋應物

登高望洛城作


萬臺造雲端遐瞰周四垠雄都定鼎地勢據萬國尊河

岳出雲雨土圭酌乾坤舟通一作盈南越貢城背北邙原帝

宅夾清洛丹霞捧朝瞰葱蘢瑤臺榭窳窳雙闕門十載

構屯難兵戈若一作久雲屯膏腴滿榛蕪比屋空毀垣聖

主乃東眷俾賢拯元元熙熙居守化泛泛太府恩至損
當一作方受益苦寒必生溫平明四城開稍見市井喧坐
感理亂迹永懷經濟言吾生自不達空鳥何翩翩天高
水流遠日宴城郭昏裴回訖旦夕聊用寫憂煩

同德寺閣集眺

芳節欲云宴遊遨樂相從高閣照丹霞颺颺含遠風寂
寥氛氳廓超忽神慮空旭日霽皇州岩堯見兩宮雋少
多秀色羣山莫與崇三川浩東注渥澗亦來同陰陽降

大和宇宙得其中舟車滿川陸四國靡不通舊堵今既
葺庶眊亦已豐周覽思自奮行當遇時邕

登寶意寺上方舊遊

寺在武功
曾居此寺

翠嶺香臺出半天萬家烟樹滿晴川諸僧近住不相識

坐聽微

一作
巖

鐘記往年

登樂遊廟作

高原出東城鬱鬱見咸陽上有千載事乃自漢宣皇頽
墟久凌遲陳迹翳丘荒春草雖復綠驚風但飄揚周覽

京城內雙闕起中央
微鐘何處來暮色忽蒼蒼
歌吹喧萬井車馬塞康莊
昔人豈不爾百世同一傷
一作歸當場
守冲漠跡寓心自忘

登西南岡卜居遇雨尋竹浪至澧壩縈帶數里
清流茂樹雲物可賞

登高創危構林表見川流微雨颯已至
蕭條川氣秋下尋密竹盡忽曠沙際遊
紆曲一作直水分野綿延稼盈疇

寒花明廢墟樵牧笑榛丘雲水成一作交
陰澹竹樹更清

幽適自戀佳賞

一作愜心賞
又一作幽賞

復茲永日留

澧上與幼遐月夜登西岡翫花

置酒臨高隅佳人自城闕已翫滿川花
還看滿川月花月方浩然賞心何由歇

臺上遲客

高臺一悄

一作聊

望遠樹間朝暉但見東西騎坐

一作令端

心賞違始霽郊原綠暮春啼鳥稀徒然對芳物何能獨

醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣青山出遠林晴明一登望瀟灑此幽襟

樓中月夜

端令倚懸檻長望抱沈憂寧知故園月今夕在茲樓
衰蓮送餘馥華露湛新秋坐見蒼林變清輝愴已休

一作收

寒食後北樓作

園林過新節風花亂高閣遙聞擊鼓聲蹴鞠軍中樂

西樓

高閣一長望故園何日歸烟塵擁一作函谷秋雁過來

稀

夜望

南樓夜已寂暗鳥動林間不見城郭事沈沈唯四山

晚登郡閣

悵然高閣望已掩東城關春風偏送柳夜景欲沈山

登重玄寺閣

時暇陟雲構晨霽澄景光始見吳都一作郡大十里鬱蒼

蒼山川表明麗湖海吞大荒合沓臻水陸駢闐會四方
俗繁節又暄雨順物亦康禽魚各翔泳草木遍芬芳於
茲省毗俗一用勸農桑誠知虎符忝但恨歸路長

觀早朝

伐鼓通嚴城車馬溢廣躔煌煌列明燭朝服照華鮮金
門杳深沈尚聽清漏傳河漢忽已沒司閣啓晨闈丹殿

據龍首崔嵬對南山寒生千門裏日照雙闕間禁旅下
成列爐香起中天輝輝覩明聖濟濟行音航俊賢媿無鴛
鷺姿短翮空飛還誰當假毛羽雲路相追攀

陪元侍御春遊

何處醉春風長安西復東不因罷職豈得此時同
賞酒宣平里尋芳下苑中往來楊柳陌猶避昔年驄

遊龍門香山泉

山水本自佳遊人已忘慮碧泉更幽絕賞愛未一作不能

去潺湲寫幽磴繚繞帶一作對嘉樹激轉忽殊流歸泓又

同注羽觴自成

伐一作

翫永日亦延趣靈草有時香仙

一作

山源不知處還當候圓月攜手重遊寓

龍門遊眺

鑿山尊伊流中斷若天闕都門遥相望佳氣生朝夕素

懷出塵意適有攜手客精舍遶

繚一作

層阿千龕鄰

一作鱗

峭壁緣雲路猶緬憇澗鐘已寂花樹發烟華淙流散石
脈長嘯招遠風臨潭漱金碧日落望都城人間何役役

一作裴回悵還
駕城闕多物役

洛都遊寓

東風日已和元化亮無私草木同時植生條有高卑罷
官守園廬豈不懷渴飢窮通非所干跼促當何為佳辰
幸可遊親友亦相追朝從華林宴暮返東城期掇英出
蘭皋翫月步川坻軒冕誠可慕所憂在執紼維

再遊龍門懷舊侶

嘗與竇黃州洛陽韓丞渾
池李丞密鄭二尉同遊

兩山鬱相對晨策方上千靄靄眺都城悠悠俯清瀾邈

矣二三子茲馬屢遊盤良時忽已周獨往念前歡好鳥
始云至衆芳亦未闌遇物豈殊昔慨傷自有端

莊嚴精舍遊集

良遊因時暇乃在西南隅綠煙凝層城豐草滿通衢精
舍何崇曠煩跼一弘舒架虹施廣蔭構雲眺八區即此
塵境遠忽聞幽鳥殊新林一作秋泛景光叢綠含露濡永
日亮難遂平生少歡娛誰能遽還歸幸與一作得高士俱

府舍月遊

官舍

一作寺

耿深夜佳月喜同遊
橫河俱半落泛露忽驚

秋散彩疎羣樹分規澄素流
心期與浩景蒼蒼殊未收

任鄂令漢陂遊眺

野水滌長塘烟花亂晴日
氤氳綠樹多蒼翠千山出遊
魚時可見新荷尚未密
屢往心獨閒恨無理人術

西郊遊矚

東風散餘沍陂水淡已綠

一本作綠

煙芳何處尋香藹春山

曲新禽哢暄節晴光泛嘉木
一與諸君遊華觴忻見屬

再遊西郊渡

水曲一追遊遊人重懷戀
嬋娟昨夜月還向波中見
驚禽棲不定流芳寒未徧
攜手更何時佇看花似霰

月溪與幼遐君貺同遊

時二子還城

岸篠覆迴溪迴溪曲如月沈沈
水容綠寂寂流鶯一作鶯初
歇淺石方凌亂遊禽時出沒
半雨夕陽霏綠源雜花發

明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深潭黑
密竹已成暮歸雲殊未極春鳥依谷暄紫蘭含幽色已將
芳景遇復歎平生憶終念一歡別臨風還默默

秋夕西齋與僧靜遊

晨登西齋望不覺至夕曛正當秋夏交原野起烟氛坐
聽涼飈舉華月稍披雲漠漠山猶隱灑灑川始分物幽
夜更殊境靜興彌臻息機非傲世於時乏嘉聞究空自
為理況與釋子羣

觀田家

微雨衆卉新一雷驚蟄始田家幾日間耕種從此起丁
壯俱在野場圃亦就理歸來景常晏飲犢西澗水飢劬
不自苦膏澤且為喜倉廩無宿儲徭役猶未已方慙不
耕者祿食出閭里

園亭覽物

積雨時物變夏綠滿園新殘花已落實高筭半成筠守
此幽棲地自是忘機人

觀澧水漲

夏雨萬壑湊澧漲

一作流

暮渾渾草木盈川谷澶漫一平

吞槎梗方瀰泛濤沫亦洪翻北來注涇渭所過無安源
雲嶺同昏黑觀望悸心魂舟人空歛棹風波正自奔

陪王卿郎中遊南池

鷓鴣俱失侶同為此地遊露浥荷花氣風散柳園秋烟
草凝衰嶼星漢泛歸流林高初上月塘深未轉舟清言
屢往復華樽始獻酬終憶秦川賞端坐起離憂

南園陪王卿遊矚

形跡雖拘檢世事澹無心郡中多山水日夕聽幽禽
几閣文墨暇園林春景深雜花芳意散綠池暮色沈
君子有高躅相攜在幽尋一酌何為貴可以寫冲襟

遊西山

時事方擾擾幽賞獨悠悠弄泉朝涉澗采石夜歸州
揮翰題蒼峭下馬歷嵌丘所愛惟山水到此即淹留

春遊南亭

川明氣已變巖寒雲尚擁南亭草心綠春塘泉脈動
景煦聽禽響雨餘看柳重逍遙池館華益媿專城寵

再遊西山

南譙古山郡信是高人居自歎乏宏量終朝親簿書於
時忽命駕秋野正蕭疎積逋誠待責尋山亦有餘測測
石泉冷暖暖煙谷虛中有釋門子種果一作樂結茅廬出
身厭名利遇境即躊躇守直雖多忤視險方宴如况將
塵埃外襟抱從此舒

遊靈巖寺

始入松路永獨忻山寺幽不知臨絕檻乃見西江流吳
岫分烟景楚甸散林丘方悟關塞眇重軫故園愁聞鐘
戒歸騎憇澗惜良遊地疎泉谷狹春深草木稠茲馬賞

未極清景

一作
澹

期杪秋

與盧陟同遊永定寺北池僧齋

密竹行已遠子規啼更深綠池芳草氣閒齋春樹陰晴
蝶飄蘭徑遊蜂遶花心不遇君攜手誰復此幽尋

游溪

野水烟鶴唳楚天雲雨空翫舟清景晚垂釣綠蒲中落
花飄旅衣歸流澹清風緣源不可極遠樹但青葱

遊開元精舍

夏衣始輕體遊步愛僧居果園新雨後香臺照日初綠
陰生晝靜一作寂孤花表春餘符竹方為累形跡一來疎

襄武館遊眺

州民知禮讓訟簡得遨遊高亭憑古地山川當暮秋

是時杭稻熟西望盡田

一作平

疇仰恩慙政拙念勞喜歲

收澹泊風景宴繚繞雲樹幽節往情惻惻天高思悠悠

嘉賓幸雲集芳樽始淹留還希習池賞

一作還喜曲池濱

聊以

駐鳴騶

秋景詣瑯琊精舍

屢訪塵外跡未窮幽賞情高秋天景遠始見山水清上
陟巖殿憩暮看雲壑平蒼茫寒色起迢遞晚鐘鳴意有

清夜戀身為符守嬰悟言

一作方愛

緇衣子蕭灑中林行

同韓郎中閒庭南望秋景

朝下抱餘素地高心本閒如何趨府客罷秩見秋山疎
樹共寒意遊禽同暮還因君悟清景西望一開顏

慈恩精舍南池作

清境豈云遠炎氛忽如遺重門布綠陰菡萏滿廣池石
髮散清淺林光動連漪緣崖摘紫房扣檻集靈龜氾氾
餘露氣馥馥幽襟披積喧忻物曠耽玩覺景馳明晨復
趨府幽賞當反思

雨夜宿清都觀

靈聽動閭闔微雨灑瑤林復此新秋夜高閣正沈沈曠
歲恨殊跡茲夕一披襟洞戶含涼氣網軒構層陰况自
展良友芳躅遂盈斟適悟委前妄清言怡道心豈戀腰
間綬如彼籠中禽

善福精舍秋夜遲諸君

廣庭獨閒步夜色方湛然丹閣已排雲皓月更

一作高

懸繁露降秋節蒼林鬱芊芊仰觀天氣涼高詠古人篇撫

已亮無庸結交賴羣賢屬予翹思時方子中夜眠相去
隔城闕佳期屢徂一作阻遷如何日夕待見月三四圓

東郊

吏舍跼終年出郊曠清曙楊柳散和風青山澹吾慮依
叢適自憇緣澗還復去微雨霽芳原春鳩鳴何處樂幽
心屢止遵事跡猶遽終罷斯一作期結廬慕陶真可庶

秋郊作

清露澄境遠旭日照林初一望秋山淨蕭條形迹踈登

原忻時稼采菊行故墟方願沮溺耦淡泊守田廬

行寬禪師院

北望極長廊斜扉映

掩一作

藜竹亭午一來尋院幽僧亦

獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨掩扉
樹愛嵐嶺聽禽悅朝暉方耽靜中趣自與塵事違

精舍納涼

山景寂已晦野寺變蒼蒼夕風吹高殿露葉散林光清
鐘始戒夜幽禽尚歸翔誰復掩扉卧不詠南軒涼

藍嶺精舍

石壁精舍高排雲聊直上佳遊愜始願忘險得前賞崖
傾景方晦谷轉川如掌綠林含蕭條飛閣起弘敞道人
上方至深夜還獨往日落羣山陰天秋百泉響所嗟累
已成安得長偃仰

道晏寺主院

北鄰有幽竹潛筠穿我廬往來地已密心樂道者居殘
花迴往節輕條蔭夏初聞鐘北窻起嘯傲永日餘

義演法師西齋

結茅臨絕岸隔水聞清磬山水曠蕭條登臨散情性稍
指緣原騎還尋汲澗逕長嘯倚亭樹悵然川光暝

澄秀上座院

繚繞西南隅鳥聲轉幽靜秀公今不在獨禮高僧影林
下器未收何人適煮茗

至西峰蘭若受田婦饋

攀崖復緣澗遂造幽人居
鳥鳴泉谷暖土起萌甲舒
聊登石樓憇下翫潭中魚
田婦有嘉獻滌撒新歲餘
常怪投錢飲事與賢達踈
今我何為答鰥寡欲馬如

曇智禪師院

高年不復出門徑

一作援

衆草生時夏方新
雨果藥發餘

榮疎澹下林景流暮幽禽情
身名兩俱遣獨此野寺行

起度律師同居東齋院

釋子喜相偶幽林俱避喧安居同僧夏清夜諷道言對
閣景恒宴步庭陰始繁逍遙無一事松風入南軒

遊瑯琊山寺

受命恤人隱茲遊久未遑鳴騶響幽澗一作谷前旌耀崇

岡青冥臺砌寒綠縵草木香填壑躋花界疊石構雲房
經製隨巖轉繚繞豈定方新泉泄陰壁高蘿蔭綠塘攀
林一栖止飲水得清涼物累誠可遣疲眊終未忘還歸
坐郡閣但見山蒼蒼

同越瑯琊山

趙氏生
辟彊

石門有雪無行跡
松壑凝烟滿衆香
餘食施庭寒鳥下
破衣掛樹老僧亡

詣西山深師

曹溪舊弟子何緣住此山
世有征戰事心將流水閒
掃林驅虎出宴坐一林間
藩守寧為重擁騎造雲關

尋簡寂觀瀑布

躡石欹危過急澗
攀崖迢遞弄懸泉
猶將虎竹為身累

欲付歸人絕世緣

簡寂觀西澗瀑布下作

淙一作深流絕壁散虛烟翠澗深叢際松風起飄來灑塵

襟窺蘿翫猿鳥解組傲雲林茶果邀真侶觴酌洽同心
曠歲懷茲賞行春始重尋聊將橫吹笛一寫山水音

遊南齋

池上鳴佳禽僧齋日幽寂高林晚露清紅藥無人摘春
水不生煙荒岡筠翳石不應朝夕遊良為蹉跎客

南園

清露夏天曉，荒園野氣通。
水禽遙泛雪，池蓮迴披紅。
幽林詎知暑，環舟似不窮。
頓灑塵喧意，長嘯滿襟風。

西亭

亭宇麗朝景，簾牖散暄風。
小山初構石，珍樹正然紅。
弱藤已扶樹，一作援幽蘭欲成叢。
芳心幸如此，佳人時不同。

夏景園廬

羣木晝陰靜，北窓涼氣多。
閒居逾時節，夏雲已嵯峨。
寒

葉愛繁綠緣澗弄驚波豈為論夙志對此青山阿

夏至避暑北池

晝晷已云極宵漏自此長未及施政教所憂變炎涼公
門日多暇是月農稍忙高居念田里苦熱安可當亭午
息羣物獨遊愛方塘門閉陰寂寂城高樹蒼蒼綠筠尚
含粉圓荷始散芳於馬灑煩抱可以對華觴

題從姪成緒西林精舍書齋

棲身齒一作始多暮息心君獨少慕謝始精文依僧欲觀

妙冽泉前堦注清池北窓照果藥雜芬敷松筠疎蒨峭
屢躋幽人境每肆芳辰眺採采玄猿窟擷芝丹林嶠紆
衣豈寒禦蔬食非飢療雖甘巷北單一作簞豈塞青紫耀
郡有優賢榻朝編貢士詔欲同一作求朱輪載勿憚移文
誚

題鄭弘憲侍御遺愛草堂

居士近依僧青山結茅屋疎松映嵐晚春池含苔綠繁
華冒陽嶺新禽響幽谷長嘯攀喬林慕茲高世躅

同元錫題瑯琊寺

適從郡邑喧又茲三伏熱山中清景多石罅寒泉潔花

香天界事松竹人間別殿分嵐嶺明磴臨懸一作壑絕

昏旭窮陟降幽顯盡披閱嶽一作嶺駭風雨區寒知龍蛇

穴情虛澹泊生境寂塵妄滅經世豈非道無為厭車一作

歸轍

題鄭拾遺草堂

借地結茅棟橫竹掛朝衣秋園雨中綠幽居塵事違陰

涼一作

井夕蟲亂高林霜果稀子有白雲意構此想巖扉

御定全唐詩卷一百九十二

欽定四庫全書薈要卷一萬七千五百九十八

集部

御定全唐詩卷一百九十三

韋應物

詠玉

乾坤有精物至寶無文章雕琢為世器真性一朝傷

詠露珠

秋荷一滴露清夜墜玄天將來玉盤上不定始知圓

詠水精

映物隨顏色含空無表裏持來向明月的皦愁成水

詠珊瑚

絳樹無花葉非石亦非瓊世人何處得蓬萊石上生

詠瑠璃

有色同寒冰無物隔纖塵象筵看不見堪將對玉人

詠琥珀

曾為老茯神本是寒松液蚊蚋落其中千年猶可覲

詠曉

軍中始吹角城上河初落深沈猶隱帷晃朗先分閣

詠夜

明從何處去暗從何處來但覺年年老半是此中催

詠聲

萬物自生

此一作此

聽太空恒寂寥還從

此一作應

靜中起却向

靜中消

任洛陽丞請告一首

方鑿不受圓直木不為輪揆材各有用反性生苦辛折

腰非吾事飲水非吾貧休告卧空館養病絕囂塵遊魚
自成族野鳥亦有羣家園杜陵下千歲心氛氳天晴嵩
山高雪後河洛春喬木猶未芳百草日已新著書復何
為當去東臯耘

縣齋

仲春時景好草木漸舒榮公門且無事微雨園林清淩
淩水泉動忻忻衆鳥鳴閒齋始延矚東作興庶眊即事
翫文墨抱沖披道經於焉日淡泊徒使芳尊盈

晚出府舍與獨孤兵曹令狐士曹南尋朱雀街
歸里第

分曹幸同簡聯騎方愜素還從廣陌歸不覺青山暮翻
翻鳥未沒杳杳鐘猶度尋草遠無人望山多枉路聊參
世士跡嘗得靜者顧出入雖見牽忘身緣所一作明悟

休暇東齋

由來束帶士請謁無朝暮公暇及私身何能獨閒步摘
葉愛芳在捫竹怜粉污岸幘偃東齋夏天清曉露懷仙

閱真誥貽友題幽素榮達頗知疎恬然自成度綠苔日
已滿幽寂誰來顧

夜直省中

河漢有秋意南宮生早涼玉漏殊杳杳雲闕更蒼蒼華
燈發新燄輕一作爐烟浮夕香顧跡知為忝東帶愧周行

郡內閒居

棲息絕塵侶孱鈍得自怡腰懸竹使符心與一作如廬山
緇永日一酣寢起坐兀無思長廊獨看雨衆樂發幽姿

今夕已云罷明晨復如斯何事能為累寵辱豈要辭

燕居即事

蕭條竹林院風雨叢蘭折
幽鳥林上啼青苔人跡絕
燕居日已永夏木紛成結
几閣積羣書時來北牕闕

幽居

貴賤雖異等出門皆有營
獨無外物牽遂此幽居情
微雨夜來過不知春草生
青山忽已曙鳥雀繞舍鳴
時與道人偶或隨樵者行
自當安蹇劣一作拙誰謂薄世榮

野居書情

世事日可見身名良蹉跎尚瞻白雲嶺聊作負薪歌

郊居言志

負暄衡門下望雲歸遠山但要尊中物餘事宜相關交
無是非責且得任疎頑日夕臨清澗逍遙思慮閒出去
唯空屋弊簣委窓間何異林棲鳥戀此復來還世榮斯
獨已頽志一作思亦何攀惟當歲豐熟閭里一歡顏

夏景端居即事

北齋有涼氣嘉樹對層城重門永日掩清池夏雲生遇
此庭訟簡始聞蟬初鳴逾懷故園愴默默以緘情

始至郡

湓城古雄郡

一作鎮

橫江千里馳高樹上迢遞峻堞繞欹

危井邑烟火晚郊原草樹滋洪流蕩

一作薄

北隄崇嶺鬱

南圻斯民本樂生逃逝竟何為旱歲屬荒歉舊逋積如
坻到郡方逾月終朝理亂絲賓朋未及讌簡牘已云疲
昔賢播高風得守愧無施豈待干戈戢且願撫惇嫠

郡中西齋

似與塵境

一作世

絕蕭條齋舍秋寒花獨經
雨山禽時到州

清觴養真氣玉書示道流
豈將符守戀幸已棲心幽

新理西齋

方將旺訟理久翳西齋居
草木無行次閒暇一芟除
春

陽土脈起膏澤發生初
養條刊朽枿拊護藥鋤穢

一作荒蕪

稍稍覺林聳歷歷忻竹疎
始見庭宇曠頓令煩抱舒
茲
焉即可愛何必是吾廬

曉坐西齋

藜藿城鼓動稍稍林鷗去柳意不勝春巖光已知曙寢

齋有單梯

一作茅

靈藥為朝茹盥漱忻景清焚香澄神慮

公門自常事道心寧易

一作處異

郡齋卧疾絕句

香爐宿火滅蘭燈宵影微秋齋獨卧病誰與覆寒衣

寓居永定精舍

蘇州

政拙忻罷守閒居初理生家貧何由往夢想在京城野

寺霜露月農興羈旅情聊租二頃田方課子弟耕眼暗
文字廢身閒道心精即與人羣遠豈謂是非嬰

永定寺喜辟强夜至

子有新歲慶獨此苦寒歸夜叩竹林寺山行雪滿衣深
爐正燃火空齋共掩扉還將一尊對無言百事違

野居

結髮屢辭秩立身本疎慢今得罷守歸幸無世欲患棲
止且偏僻嬉遊無早宴逐兔上坡岡捕魚緣赤澗高歌

意氣在貫酒貧居慣時啓北窓扉豈將文墨間

同衰子秋齋獨宿

山月皎如燭風霜時動竹夜半鳥驚栖窓間人獨宿

餌黃精

靈藥出西山服食採其根九蒸換凡骨經著上世言候
火起中夜馨香滿南軒齋居感衆靈藥術啓妙門自懷
物外心豈與俗士論終期脫印綬永與天壤存

昭國里第聽元老師彈琴

竹林高宇霜露清
朱絲玉徽多故情
暗識啼鳥與別鶴
祇緣中有斷腸聲

野次聽元昌奏橫吹

立馬蓮塘吹橫笛
微風動柳生水波
北人聽罷淚將落
南朝曲中怨更多

樓中閱清管

山陽遺韻在林端
橫吹驚響迴憑高
閣曲怨繞秋城漸
灑危葉振蕭瑟
涼氣生始過茲管
賞已懷故園情

寒食

清明寒食好春園百卉開
綵繩拂花去輕毬度閣來
長歌送落日緩吹逐殘杯
非關無燭罷良為羈思催

七夕

人世拘形迹別去間山川
豈意靈仙偶相望亦彌年
夕衣清露濕晨駕秋風前
臨歎定不住當為何所牽

九日

今朝把酒復惆悵憶在杜陵田舍時
明年九日知何處

世難還家未有期

秋夜

暗窻涼葉動秋天

一作齋

寢席單憂人半夜起
明月在林

端一與清景遇每憶平生歡
如何方惻愴披衣露更

一作

轉寒

秋夜一絕

高閣漸凝露涼葉稍飄
聞憶在南宮直夜長
鐘漏稀

滁城對雪

晨起滿闈雪憶朝闈闔時玉座分曙早金爐上烟遲飄
散雲臺下凌亂掛樹姿厠跡鴛鴦未蹈舞豐年期今朝
覆山郡寂寞復何為

雪中

空堂歲已宴密室獨安眠壓篠夜偏積覆閣曉逾妍連
山暗古郡驚風散一川此時騎馬出忽省京華年

詠春雪

裴回輕雪意似惜豔陽時不悟風花冷翻令梅柳遲

對春雪

蕭屑杉松聲寂寥寒夜慮州貧人吏稀雪滿山城曙春
塘看幽谷栖禽愁未去開闌正亂流寧辨花枝處

對殘燈

獨照碧窓久欲隨寒燼滅幽人將遽眠解帶翻成結

對芳尊

對芳尊醉來百事何足論遙見青山始一醒欲著接離
還復昏

夜對流螢作

月暗竹亭幽，螢光拂席流。
還思故園夜，更度一年秋。
自
愜觀書興，何慙秉燭遊。
府中徒冉冉，明發好歸休。

對新篁

新綠苞初解，嫩氣筍猶香。
含露漸舒葉，抽叢稍自長。
清
晨止亭下，獨愛此幽篁。

夏花明

夏條綠已密，朱萼綴明鮮。
炎炎日正午，灼灼火俱燃。
翻

風適自亂照水復成妍
歸視窓間字熒煌滿眼前

對萱草

何人樹萱草對此郡齋幽
本是忘憂物今夕一作日重生

憂叢踈露始滴芳餘蝶尚留
還思杜陵圃離披風雨秋

見紫荆花

雜英紛已積含芳獨暮春
還如故園樹忽憶故園人

翫螢火

時節變衰草物色近新秋
度月影纔斂繞竹光復流

對雜花

朝紅爭景新

一作鮮

夕素含露翻妍姿如有意流芳復滿

園單棲守遠郡永日掩重門不與花為偶終遣與誰言

種藥

好讀神農書多識藥草名持縑購山客移時羅衆英不
改幽澗色宛如此地生汲井既蒙澤插援亦扶傾陰穎
夕房斂陽條夏花明悅翫從茲始日夕繞庭行州民自
寡訟養閒非政成

西澗種柳

宰邑乖所願，僂愧昔人聊。將休暇日，種柳西澗濱。置
錡息微倦，臨流睇歸雲。封壤自人力，生條在陽一作春。
成陰豈自取，為茂屬佗辰。延詠留佳賞，山水變夕曛。

種瓜

率性方鹵莽，理生尤自疎。今年學種瓜，園圃多荒蕪。衆
草同雨露，新苗獨翳如。直以春窘迫，過時不得鋤。田家
笑枉費，日久轉空虛。信非吾儕事，且讀古人書。

喜園中茶生

潔性不可汙為飲滌塵煩此物信靈味本自出山原聊
因理郡餘率爾植荒園喜隨衆草長得與幽人言

移海榴

葉有苦寒色山中霜霰多雖比蒙陽景移根意如何

郡齋移杉

擢幹方數尺幽姿已蒼然結根西山寺來植郡齋前新
含野露氣稍靜高窓眠雖為賞心遇豈有巖中緣

花徑

山花夾徑幽古甃生苔澀胡牀理事餘玉琴承露濕朝
與詩人賞夜攜禪客入自是塵外蹤無令吏趨急

慈恩寺南池秋荷詠

對殿含涼氣裁規覆清沼衰紅受露多餘馥依人少蕭
蕭遠塵跡颯颯凌秋曉節謝客來稀迴塘方獨遠

題桐葉

參差剪綠綺瀟灑覆瓊柯憶在澧東寺偏書此葉多

題石橋

遠學臨海嶠橫此莓苔石郡齋三四峰如有靈仙

一作山

跡方愁暮雲滑始照寒池碧自與幽人期逍遙竟朝夕

池上

郡中卧病久池上一來賒榆柳飄枯葉風雨倒橫查

滁州西澗

獨憐幽

一作芳

草澗邊生

一作行

上有黃鸝深樹

一作處

鳴春

潮帶雨晚來急野渡無人舟自橫

西塞山

勢從千里奔直入江中斷嵐橫秋塞雄地東驚流滿

山耕叟

蕭蕭垂白髮默默詎知情獨放寒林燒多尋虎跡行暮
歸何處宿來此空山耕

上方僧

見月出東山上
上方高處禪空林無宿火獨夜汲寒泉不

下監溪寺今年

一作來

三十年

煙際鐘

隱隱起何處，迢迢送落暉。
蒼茫隨思遠，蕭散逐一作煙

微秋野寂云一作方晦望山僧獨歸

始聞夏蟬

徂夏暑未宴，蟬鳴景已曛。
一聽知何處，高樹但侵雲。
悲遇衰齒節，謝屬離羣。
還憶郊園日，獨向澗中聞。

射雉

走馬上東岡，朝日照野田。
野田雙雉起，翻射斗迴鞭。
雖

無百發中聊取一笑妍羽分繡臆碎頭一作弛錦鞞懸

方將悅羈旅非關學少年弋弓一長嘯憶在灞城阡

夜聞獨鳥啼

失侶度山覓投林舍北啼今將獨夜意偏知對影棲

述園鹿

野性本難畜翫習亦逾年麋班始力直麇角已蒼然仰
首嚼園柳俯身飲清泉見人若閒暇廢起忽低騫茲獸
有高貌凡類寧比肩不得遊山澤跼促誠可憐

聞鴈

故園眇何處歸思方悠哉
淮南秋雨夜高齋聞鴈來

子規啼

高林滴露夏夜清
南山子規啼一聲鄰家孀婦抱兒泣

我獨展轉何時明

一作為情

始建射侯

男子本懸弧有志在四方
虎竹忝明命熊侯始張皇
賓登時事畢諸將備戎裝
星飛的屢破鼓譟武更揚
曾習

鄒魯學亦陪駕鷺翔一朝願投筆世難激中腸

仙人祠

蒼岑古仙子清廟閔華容千載去寥廓白雲遺舊蹤
歸來灞陵上猶見最高峰

鷓鴣啼

一作李嶠詩

可憐鷓鴣飛飛向樹南枝南枝日照暖北枝霜露滋
露滋不堪栖使我夜常啼願逢雲中鶴銜我向寥廓願作
城上烏一年生九雛何不舊巢住枝弱不得一作若去何

意道苦辛客子常畏人

御定全唐詩卷一百九十三

欽定四庫全書蒼要卷一萬七千五百九十九

集部

御定全唐詩卷一百九十四

韋應物

長安道

漢家宮殿含雲烟兩宮十里相連延晨霞出沒弄丹闕
春雨依微自甘泉春雨依微春尚早長安貴遊愛芳草
寶馬橫來下建章香車却轉避馳道貴遊誰最貴衛霍
世難比何能蒙主恩幸遇邊塵起歸來甲第拱皇居朱

門我我臨九衢中有流蘇合歡之寶帳一百二十鳳凰
羅列含明珠下有錦鋪翠被之粲爛博山吐香五雲散
麗人綺閣情飄飄頭上鴛釵雙翠翹低鬟曳袖迴春雪
聚黛一聲愁碧霄山珍海錯棄藩籬烹犢魚羔如折葵
既請列侯封部曲還將金印授廬兒歡榮一作容若此何
所苦但苦白日西南馳

行路難

一作連環歌

荆山之白玉兮良工凋琢雙環連月蝕中央鏡心穿故

人贈妾初相結恩在環中尋不絕人情厚薄苦須臾昔
似連環今似玦連環可碎不可離如何物在人自移上
客勿遽歡聽妾歌路難旁人見環環可憐不知中有長
恨端

橫塘行

妾家住橫塘夫婿郝家郎玉盤的歷雙白魚寶篋玲瓏
透象牀象牀可寢魚可食不知郎意何南北岸上種蓮
豈得生池中種槿豈得成丈夫一去花落樹妾獨夜長

心未平

貴遊行

漢帝外家子恩澤少封侯垂楊拂白馬
曉日上青樓上有顏如玉高情世一作非
無倚輕裾含碧烟窈窕似雲浮
良時無還景促節為我謳忽聞豔陽曲
四坐亦已柔賓友仰稱歎一生何所求
平明擊鍾食入夜樂未休風雨
憊歲候兵戎橫九州焉知坐上客
草草心所憂

酒肆行

豪家沽酒長安陌，一旦起樓高百尺。碧疏玲瓏含春風，
銀題彩幟邀上客。迴瞻丹鳳闕，直視樂遊苑。四方稱賞
名已高，五陵車馬無近遠。晴景悠揚三月天，桃花飄俎
柳垂筵。繁絲急管一時合，他壚鄰肆何寂然。主人無厭
且專利，百斛須臾一壺。一作囊費初釀，後薄為大偷飲者。
知名不知味，深門潛醞客。來稀終歲醇，釀味不移長安
酒。徒空擾擾路傍過，去那得知。

相逢行

二十登漢朝英聲邁今古適從東方來又欲謁明主猶
酣新豐酒尚帶灞陵雨邂逅兩相逢別來問一作寒暑
寧知白日晚暫向花間語忽聞長樂鐘走馬東西去

烏引鷓

日出照東城春烏鷓鷓和鳴鷓和鳴羽猶短巢在深
林春正寒引飛欲集東城暖羣雛雛褫睥睨高舉翅不
及墜蓬蒿雄雌來去飛又引音聲上下懼鷹隼引雛烏
爾心急急將何如何得比日搜索雀卵敢爾雛

鳶奪巢

野鵲野鵲巢林梢
鷦鷯恃力奪鵲巢
吞鵲之肝啄鵲腦
竊食偷居還自保
鳳凰五色百鳥尊
知鳶為害何不言
霜鷗野鷗得殘肉
同啄羶腥不肯逐
可憐百鳥紛縱橫
雖有深林何處宿

鷺啣泥

啣泥燕聲嘓嘓尾
涎涎秋去何所歸
春來復相見豈不
解決絕高飛
碧雲裏何為地上
啣泥滓
街泥雖賤意有

營杏梁朝日巢欲成不見百鳥畏人林野宿翻遭網羅
俎其肉未若銜泥入華屋燕銜泥百鳥之智莫與齊

鞞鼓行

淮海生雲暮慘澹廣陵城頭鞞鼓暗寒聲坎坎風動邊
忽似孤城萬里絕四望無人烟又如虜騎截遼水胡馬
不食仰朔天座中亦有燕趙士聞鞞不語客心死何況
鰥孤火絕無晨炊獨婦夜泣官有期

古劍行

千年土中兩刃鐵土蝕不入金星滅沈沈青春鱗甲滿
蛟龍無足蛇尾斷忽欲飛動中有靈豪士得之敵國寶
仇家舉意半夜鳴小兒女子不可近龍蛇變化此中隱
夏雲奔走雷闐闐恐成霹靂飛上天

金谷園歌

石氏滅金谷園中水流絕當時豪右爭驕侈錦為步障
四十里東風吹花雪滿川紫氣凝閣朝景妍洛陽陌上
人回首絲竹飄飄入青天晉武平吳恣歡燕餘風靡靡

朝廷變嗣世衰微誰肯憂二十四友日日空追追遊
詎可足共惜年華促禍端一發埋恨長百草無情春自
綠

溫泉行

出身天寶今年幾頑鈍如鎚

一作鉛

命如紙作官不了却

來歸還是杜陵一男子北風慘慘投溫泉忽憶先皇遊
幸年身騎廐馬引天仗直入華清列御前玉林瑤雪滿
寒山上昇玄閣遊絳烟平明羽衛朝萬國車馬合沓溢

四鄜蒙恩每浴華池水
扈獵不蹂渭北田
朝廷無事共歡燕
美人絲管從九天
一朝鑄鼎降龍馭
小臣髯絕不得去
今來蕭瑟一作索萬井空
惟見蒼山起烟霧
可憐踏蹬失風波
仰天大叫無奈何
弊裘羸馬凍欲死
賴遇主人杯酒多

學仙二首

昔有道士求神仙
靈真下試心確然
千鈞巨石一髮懸
卧之石下十三年
存道忘身一試過
名奏玉皇乃升天

雲氣冉冉漸不見留語弟子但精堅

石上鑿井欲到水情心一起中路止豈不見古來三人
俱弟兄結茅深山讀仙經上有青冥倚天之絕壁下有
鸞鵠萬壑之松聲仙人變化為白鹿二弟翫之兄誦讀
讀多七過可乞言為子心精得神仙可憐二弟仰天泣
一失毫釐千萬年

廣陵行

雄藩鎮楚郊地勢鬱宕堯雙旌擁萬戟中有霍嫖姚海

雲助兵氣寶貨益軍饒嚴城動寒角晚騎踏霜橋翁習
英豪集振奮士卒驍列郡何足數趨拜等卑寮日宴方
云罷人逸馬蕭蕭忽如京洛間遊子風塵飄歸來視寶
劍功名豈一朝

萼綠華歌

有一人兮昇紫霞書名玉牒兮萼綠華仙容矯矯兮雜
瑤珮輕衣重重兮蒙絳紗雲雨愁思兮望淮海鼓吹蕭
條兮駕龍車世淫濁兮不可降胡不來兮玉斧家

王母歌

一作玉女歌

衆仙翼神母羽蓋隨雲起上遊玄極杳冥中下看東海
一盃水海畔種桃經幾時千年開花千年子玉顏眇眇
何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓雙檢
中有玉堂一作牀鋪玉簾立之一隅不與言玉體安穩三

日眠馬生一立

一作粒

心轉堅知其丹白蒙哀憐安期先

生來起居請示金鑄玉佩天皇書神女呵責不合見仙
子謝過手足戰大瓜玄棗冷如冰海上摘來朝霞凝賜
仙復坐對食訖頷之使去隨烟升一作使隨
玄烟升乃言馮生
合不死少姑教勅令付爾安期再拜將生出一授素書
天地畢

石鼓歌

周宣大獵兮岐之陽刻石表功兮煒煌煌石如鼓形數
止十風雨缺訛苔蘚澀今人濡紙脫其文既擊既掃白

黑分忽開滿卷不可識驚潛動蟄走云云喘逶迤相糺
錯乃是宣王之臣史籀作一書遺此天地間精意長存
世冥冥秦家祖龍還刻石碣石之罘李斯跡世人好古
猶共一作法傳持來比比殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚之鵠之衆皆蓬蒿下
爾自三山來叶音黎三山處子下人間綽約不妝冰雪顏
仙鳥隨飛來掌上來掌上時拂拭人心鳥意自無猜玉

指霜毛本同色有時一去凌蒼蒼朝遊汗漫暮玉堂巫
峽雨中飛暫濕杏花林裏過來香日夕依仁全羽翼空
欲銜環非報德豈不及阿母之家青鳥免漢宮來往傳
消息

彈碁歌

圓天方地局二十四氣子劉生絕藝難對曹客為歌其
能請從中央起中央轉鬪破欲闡零落勢背誰能彈此
中舉一得六七旋風忽散霹靂疾履機乘變安可當置

之死地翻取強不見短兵反掌收已盡惟有猛士守四方四方又何難橫擊且緣邊豈如昆明與碣石一箭飛中隔遠天神安志愜動十全滿堂驚視誰得然

御定全唐詩卷一百九十四

欽定四庫全書
書要卷一萬七千六百集部

御定全唐詩卷一百九十五

韋應物

聽鶯曲

東方欲曙花冥冥
啼鶯相喚亦可聽
乍去乍來時近遠
纔聞南陌又東城
忽似上林翻下苑
綿綿蠻蠻如有情
欲轉不轉意自嬌
羌兒弄笛曲未調
前聲後聲不相及
秦女學箏指猶澀
須臾風暖朝日暎
流音變作百鳥喧

誰家懶婦驚殘夢何處愁人憶故園
伯勞飛過聲蹄促
戴勝下時桑田綠不及流鶯日日啼
花間能使萬家春意間有時斷續聽
不了飛去花枝猶裊裊還棲碧樹鎖
千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹
滿朝豪士今已盡
欲話舊遊人不知白沙亭上逢吳叟
愛客脫衣且沽酒
問之執戟亦先朝零落艱難却負樵
親觀文物蒙雨露

見我昔年侍丹霄，又狩春祠無一事。歡遊洽宴多頒賜，
嘗陪月夕竹宮齋。每返溫泉灞陵醉，星歲再周十二辰。
爾來不語今為君，盛時忽去良可恨。一生坎壈何足云。

送褚校書歸舊山歌

握珠不返泉匣玉，不歸山明皇重士。亦如此忽怪褚生，
何得還方稱羽獵賦。未拜蘭臺職，漢篋亡書已暗傳。嵩
丘遺簡還能識，朝朝待詔青鑠闌。中有萬年之樹蓬萊
池，世人仰望棲此地。生獨徘徊意何為，故山可往薇可

採一自人間星歲改藏書壁中苔半侵洗藥泉中月還
在春風飲餞灞陵原莫厭歸來朝市喧不見東方朔避
世從容金馬門

五弦行

美人為我彈五弦塵埃忽靜心情然古刀幽磬初相觸
千珠貫斷落寒玉中曲又不喧徘徊夜長月當軒如伴
流風縈豔雪更逐落花飄御園獨鳳寥寥有時隱碧霄
來下聽還近燕姬有恨楚客愁言之不盡聲能盡末曲

感我情解幽釋結和樂生壯士有仇未得報拔劍欲去
憤已平夜寒酒多愁遽明

驪山行

君不見開元至化垂衣裳厭坐明堂朝萬方訪道靈山
降聖祖沐浴華池集百祥千乘萬騎被原野雲霞草木

相一作生輝光禁仗圍山曉霜切離宮積翠夜漏長玉堦

寂歷朝無事碧樹萎蕤寒更芳三清小鳥傳仙語九華

真人奉瓊漿下元昧爽漏一作編恒秩登山朝禮玄元室

翠華稍隱天半雲丹閣光明海中日羽旗旄節憇瑤臺

清絲妙管從空來萬井九衢皆仰望彩雲白鶴方徘徊

憑高覽古

或作一望

嗟寰宇造化茫茫思悠哉秦川八水長

繚繞漢氏五陵空崔嵬乃言聖祖奉丹經以年為日億

萬齡蒼生咸壽陰陽泰高謝前王出塵外英豪共理天

下宴戎夷訖伏兵無戰時豐賦歛未告勞海濶珍竒亦

來獻干戈一起文武乖歡娛已極人事變聖皇弓劍墜

幽泉古木蒼山閉宮殿纘承鴻業聖明君威震六合驅

妖氛太平遊幸今可待湯泉嵐嶺還氛氲

漢武帝雜歌三首

漢武好神仙黃金作臺與天近王母摘桃海上還感之
西過聊問訊欲來不來夜未央殿前青鳥先迴翔綠鬢
縈雲裾曳霧雙節飄飄下仙步白日分明到世間碧空
何處來時路玉盤捧桃將獻君踟躕未去留彩雲海水
桑田幾翻覆中間此桃四五熟可憐穆滿瑤池燕正值
花開不得薦花開子熟安可期邂逅能當漢武時顏如

芳華潔如玉心念我皇多嗜欲雖留桃核桃有靈人間
糞土種不生由來在道一作德豈在樂徒勞方士海上行
掩扇一言相謝去如烟非烟不知處

金莖孤峙兮凌紫烟漢宮美人望杳然通天臺上月初
出承露盤中珠正圓珠可飲壽可永武皇南面曙欲分
從空下來玉杯冷世間綵翠亦作囊八月一日仙人方
仙方稱上藥靜者服之常綽約柏梁沈飲自傷神猶聞
駐顏七十春乃知甘醲皆是腐腸物獨有淡泊之水能

益人千載金盤竟何處當時鑄金恐不固蔓草生來春
復秋碧天何言空墜露

漢天子觀風自南國浮舟大江屹不前蛟龍索鬪風波
黑春秋方壯雄武才彎弧叱浪連山開愕然觀者千萬
衆舉麾齊呼一矢中死蛟浮出不復靈舳艫千里江水
清鼓鞀餘響數日在天吳深入魚鼈驚左有飲飛落霜
翮右有孤兒貫犀革何為臨深親射蛟示威以奪諸侯
魄威可畏皇可尊平田校獵書猶陳此日從臣何不言

獨有威聲振千古君不見後嗣尊為武

梭櫚蠅拂歌

梭櫚為拂登君席青蠅掩一作亂飛四壁文如輕羅散

如髮馬尾髦牛不能絜柄出湘江之竹碧玉寒上有織

羅縈縷尋未絕左揮右灑繁暑清孤松一枝風有聲麗

人紈素可憐色安能點白還為黑

信州錄事參軍常曾古鼎歌

三年糾一郡獨飲寒泉井江南鑄器多鑄銀罷官無物

惟古鼎彫螭

一作出

刻篆相錯盤地中歲久青苔寒左對

蒼山石流水云有古來葛仙子葛仙埋之何不還耕者
鎗然得其間持示世人不知寶勸君鍊丹永壽考

夏冰歌

出自玄泉杳杳之深井汲在朱明赫赫之炎辰九天含
露未銷鑠閭闔初開賜貴人碎如墜瓊方截璐粉壁生
寒象筵布玉壺紈扇亦玲瓏座有麗人色俱素咫尺炎
涼變四時出門焦灼君詎知肥羊甘醴心悶悶飲此瑩

然何所思當念闌杆鑿者苦臘月深井汗如雨

龜頭山神女歌

龜頭之山直上洞庭連青天蒼蒼烟樹閉古廟中有蛾
眉成水仙水府沈沈行路絕蛟龍出沒無時節魂同魍
魎潛太陰身與空山長不滅東晉永和今幾代雲髮素
顏猶盼睐陰一作沈深靈氣靜凝美的礫龍綃雜瓊珮山
精木魅不敢親昏明想像如有人蕙蘭瓊芳積烟露碧
窻松月無冬春舟客經過奠椒醑巫女南音歌激楚碧

水冥空惟

一作見

鳥飛長天何處雲隨雨紅蕖綠蘋芳意

多玉靈蕩漾凌清波孤峰絕島儼相向鬼嘯猿啼垂女
蘿皓雪瓊枝殊異色北方絕代徒傾國雲沒烟銷不可
期明堂翡翠無人得精靈變態狀無方游龍宛轉驚鴻
翔湘妃獨立九疑暮漢女菱歌春日長始知仙事無不
有可惜吳宮空白首

冠季膺古刀歌

古刀寒鋒青槭槭少年交結平陵客求之時

一作年代不

可知千痕萬穴如星離重疊泥沙更剝落縱橫鱗甲相
參差古物有靈知所適貂裘拂之橫廣席陰森白日掩
雲虹錯落池光動金碧知君寶此誇絕代求之不得心
常愛厭見今時繞指柔片鋒折刃猶堪佩高山成谷蒼
海填英豪埋沒誰所捐吳鉤斷馬不知處幾度烟塵今
獨全夜光投人人不畏知君獨識精靈器酌恩結思心
自知死生好惡不相棄白虎司秋金氣清高天寥落雲
崢嶸月肅風淒古堂淨精芒切切如有聲何不跨蓬萊

斬長鯨世人所好殊
遼濶千金買鉛徒一割

凌霧行

秋城海霧重職事凌晨出
浩浩合元天溶溶迷朗朝

一作朝

日纔看含鬢白稍視

一作似

霑衣密道騎全不分郊樹都

如失霏微誤噓吸膚腠生寒慄
歸當飲一杯庶用蠲斯疾

樂燕行

良辰且燕樂樂往不再來
趙瑟正高張音響清塵埃
一彈和妙謳吹去繞瑤臺
豔雪凌空散舞羅起徘徊
輝輝

發衆顏灼灼歎令才當喧既無寂中飲亦停杯華燈何
遽并馳景忽西顏高節亦云立安能滯不迴

采玉行

官府徵白丁言采藍谿玉絕嶺夜無家深榛雨中宿獨
婦餉糧還哀哀一作田荒舍南哭

難言

搗土移山望山盡一作遷投石填海望海滿持索捕風幾
時得將刀斫水幾時斷未若不相知中心萬仞何由款

易言

洪爐熾炭燎一毛大鼎炊湯沃殘雪疾影隨形不覺至
千鈞引縷不知絕未若同心言一言和同解千結

三臺二首

按樂苑唐天寶中羽調
曲有三臺又有急三臺

一年一年老去明日後日花開未報長安平定萬國豈
得銜杯

冰泮寒塘始綠雨餘百草皆生朝來門閭無事晚下高
齋有情

上皇三臺

不寐倦長更披衣出戶行月寒秋竹冷風切夜窓聲

答暢叅軍

秉筆振芳步少年且更遊官閒高興生夜直河漢秋念
與清賞遇方抱沈疾憂嘉言忽見贈良藥同所瘳高樹
起栖鴉晨鐘滿皇州淒清露華動曠朗景氣浮偶宦心
非累處喧道自幽空虛為世薄子獨意綢繆

南池宴錢子辛賦得科斗

臨池見科斗美爾樂有餘不憂網與鈎幸得免為魚且
願充文字登君尺素書

詠徐正字畫青蠅

誤點能成物迷真許一時筆端來已久座上去何遲顧
白曾無變聽雞不復疑詎勞才子賞為入國人詩

虞獲子鹿 并序

虞獲子鹿憫園鹿也遭虞之機張見畜於人不得
遂其天性焉

虞獲子鹿畜之城陬園有美草池有清流但見麀麀亦
聞呦呦誰知其思巖谷云之一作游

陪王郎中尋孔徵君

俗吏閒居少同人會面難偶隨香署客來訪竹林歡暮
館花微落春城雨暫寒甕間聊共酌莫使宦情闌

送宮人入道

捨寵求仙畏色衰辭天素面立天墀金丹擬駐千年貌
寶鏡休勻八字眉公主與收珠翠後君王看戴角冠時

從來宮女皆相妒說著瑤臺總淚垂

和晉陵陸丞早春遊望

一作杜
審言詩

獨有宦遊人偏驚物候新雲霞出海曙梅柳渡江春
淑氣催黃鳥晴光轉綠蘋忽聞歌苦調歸思欲霑巾

九日

一為吳郡守不覺菊花開始有故園思且喜衆賓來

御定全唐詩卷一百九十五

謹案卷一百九十二第十一頁後一行西望盡田

疇按蘇州集西作四

卷一百九十四第六頁前七行千鈞巨石一髮懸
刊本鈞訛金據蘇州集改

卷一百九十五第十一頁前四行忽聞歌苦調按
別本苦作古



欽定四庫全書

總校官庶吉士臣張能照

校對官檢討臣王鍾健

謄錄監生臣王心仁

欽定四庫全書薈要

集部

御定全唐詩卷二百九十八

六至

詳校官候補通政司經歷臣郭祚織



欽定四庫全書會要卷一萬七千六百一

集部

御定全唐詩卷一百九十六

孟彥深

孟彥深字士源登天寶二年進士第為武昌令元結居

樊山常作退谷銘曰干進之客不得遊之又作杯湖銘

曰為人厭者勿汎杯湖孟士源嘗黜官無情干進在武昌不為人厭可遊退谷可汎杯湖矣詩一首

元次山居武昌之樊山

一作

新春大雪以詩問

之

江山十日雪雪深江霧濃起來望樊山但見羣玉峰林
鶯却不語野獸翻有蹤山中應大寒短褐何以完

一作安

皓氣凝書帳清著釣魚竿懷君欲進謁谿滑渡舟難

劉灣

劉灣字靈源西蜀人天寶進士祿山之亂以侍御史居
衡陽與元結相友善詩六首

出塞曲

一作劉濟詩

將軍在重圍音信絕不通羽書如流星飛入甘泉宮倚
是并州兒少年心膽雄一朝隨召募百戰爭王公去年
桑乾北今年桑乾東死是征人死功是將軍功汗馬牧
一作
敗 秋月疲卒臥霜風仍聞左賢王更將 一作
欲 圍雲中

雲南曲

百蠻亂南方羣盜如蝟起騷然疲中原征戰從此始白
門太和城來往一萬里去者無全生十人九人死岱馬
臥陽山燕兵哭瀘水妻行求死夫父行求死子蒼天滿

愁雲白骨積空壘
哀哀雲南行十萬同已矣

李陵別蘇武

漢武愛邊功李陵提步卒
轉戰單于庭身隨漢軍沒
李陵不愛死心存歸漢闕
誓欲還國恩不為匈奴屈
身辱家已無長居虎狼窟
胡天無春風虜地多積雪
窮陰愁殺人況與蘇武別
發聲天地哀執手肺腸絕
白日為我愁陰雲為我結
生為漢宮臣死為胡地骨
萬里長相思終身望南月

虹縣嚴孝子墓

至性教不及因心天

一作天
然得

所資禮聞三年喪爾

一作
汝

獨終身期下由

一作
布

骨肉恩上報父母慈禮聞哭有卒

汝獨哀無時前有松柏林荆蓐

一作
棘

結朦朧墓門白日

閉泣血黃泉中草服蔽枯骨垢容戴飛蓬舉聲哭蒼天
萬木皆悲風

對雨愁悶寄錢大郎中

積雨細紛紛飢寒命不分攬衣愁見肘窺鏡覓從文九

陌成泥海千山盡濕雲龍鍾驅款段到處倍思君

即席賦露中菊

衆芳春競發寒菊露偏滋受氣何曾異開花獨自遲
晚成猶有分欲採未過時勿棄東籬下看隨秋草衰

孫昌胤

孫昌胤登天寶進士第柳宗元與韋中立書稱其為子
舉冠禮事人以為迂詩四首

遇旅鶴

靈鶴產絕境昂昂無與儔
羣飛滄海曙一叫雲山秋
野性方自得人寰何所求
時因戲祥風偶爾來中州
中州帝王宅園沼深且幽
希君惠稻粱欲并離丹丘
不然奮飛去將適汗漫游
冑作池上鷺年年空沈浮

清明

清明暮春裏悵望北山陔
燧火開新焰桐花發故枝
沈冥慙歲物歡宴阻朋知
不及林間鳥遷喬並羽儀

和司空曙劉春虛九日送人

京邑歎離羣江樓喜遇君
開筵當九日汎菊外浮雲朗
詠山川霽酣歌物色新
君看酒中意未甯喪斯文

越裳獻白翟

一作丁
仙芝詩

聖哲符休運伊臯列上台
覃恩丹徼遠入貢素輦來
北闕欣初見南枝顧未迴
斂容殘雪淨矯翼片雲開
馴擾將無懼翻飛幸莫猜
甘從上苑裏飲啄自裴回

喬琳

喬琳太原人天寶間舉進士累授興平尉郭子儀辟為

節度掌書記拜監察御史貶巴州司戶歷果綿遂三州
刺史入為大理少卿國子祭酒又出為懷州刺史以張
涉稱引拜御史大夫平章事後受朱泚偽署伏誅詩一
首

綿州越王樓即事

三蜀澄清郡政閑登樓攜酌日躋攀頓覺冒懷無俗事
迴看掌握是人寰灘聲曲折涪州水雲影低銜富樂山
行雁南飛似鄉信忽然西笑向秦關

柳渾

柳渾字夷曠一字惟深本名載襄州人天寶初擢進士
第大歷中累官至尚書右丞貞元三年以兵部侍郎同
中書門下平章事集十卷今存詩一首

牡丹

近來無奈牡丹何數十千錢買一柯今朝始得分明見
也共戎葵不校多

御定全唐詩卷一百九十六

欽定四庫全書薈要卷一萬七千六百二集部

御定全唐詩卷一百九十七

張謂

張謂字正言河南人天寶二年登進士第乾元中為尚書郎大歷間官至禮部侍郎三典貢舉詩一卷

讀後漢逸人傳二首

子陵沒已久讀史思其賢誰謂潁陽人千秋如比肩嘗聞漢皇帝曾是曠周旋名位苟無心對君猶可眠東過

富春渚樂此佳山川夜卧松下月朝看江上煙釣時如
有待釣罷應忘筌生事在林壑悠悠經暮年于今七里

瀨

一作灘

遺迹尚依然高臺竟寂寞流水空潺湲

龐公南郡人家在襄陽里何處偏來往襄陽東陂是誓
將業田種終得保妻子何言二千石乃欲勸吾仕鶴鵲
巢茂林鼃鼃穴深水萬物從所欲吾心亦如此不見鹿
門山朝朝白雲起采藥復采樵優游終暮齒

同孫構免官後登薊樓

昔在五

平一作

陵時年少心亦壯嘗矜有奇骨必是封侯

相東走到營州投身似邊將一朝去鄉國十載履亭障
部曲皆武夫功成不相讓猶希虜塵動更取林胡帳去
年大將軍忽一作負樂生謗北別傷士卒南遷死炎瘴
獲落悲無成行登薊丘上長安三千里日夕西南望寒
沙榆塞沒秋水灤河漲策馬從此辭雲山保關故

代北州老翁答

負薪老翁往北州北望鄉關生客愁自言老翁有三子

兩人已向黃沙死如今小兒新長成明年聞道又徵兵
定知此別必零落不及相隨同死生盡將田宅借鄰伍
且復伶俜去鄉土在生本求多子孫及有誰知更辛苦
近傳天子尊武臣強兵直欲靜胡塵安邊自合有長策
何必流離中國人

湖上對酒行

夜坐不厭湖上月晝行不厭湖上山眼前一尊又長滿
心中萬事如等閒主人有黍百餘石濁醪數斗應不惜

即今相對

逢一作

不盡歡別後相思復何益
茱萸灣頭歸

路賒願君且宿黃公家
風光若此人不醉參差辜負東

園花

贈喬琳

一作劉
春虛詩

去年上策不見收
今年寄食仍淹留
羨君有酒能使醉

羨君無錢能不憂
如今五侯不愛

一作
待

客羨君不問

一作

過五侯宅如今七貴方
自尊羨君不過七貴門
丈夫會

應有知己世上悠悠何足論

邵陵作

嘗聞虞帝苦憂人祇為蒼生不為身已道

一作到

一朝辭

北闕何須五月更南巡昔時文武皆銷鑠今日精靈常
寂寞斑竹年來笋自生白蘋春盡花空落遙望零陵見
舊丘蒼梧雲起至今愁惟餘帝子千行淚添作瀟湘萬

里流

一作秋

寄李侍御

柱下聞周史書中慰越吟近看三歲字遙見百年心價

以吹噓長恩從顧盼深不栽桃李樹何日得成陰

寄崔澧州

共襍臺郎被俱塞郡守惟罰金殊往日鳴玉幸同時五
馬來何晚雙魚贈已遲江頭望鄉月無夜不相思

送裴侍御歸上都

楚地勞行役秦城罷鼓鼙舟移洞庭岸路出武陵谿江
月隨人影山花趁一作馬蹄離魂將別夢先已一作到

關西

送青龍一公

事佛輕金印勤王度玉闕不知從樹下還肯

一作許

到人

間楚水青蓮淨吳門白日閒聖朝須助理

一作治

絕

一作切

莫愛東山

送韋侍御赴上都

天朝辟書下風憲取才難更謁麒麟殿重簪獬豸冠
月明湘水夜霜重桂林寒別後頭堪白時時鏡裏看

餞田尚書還兗州

忠義三朝許威名四海聞更乘歸魯詔猶憶破胡勲別
路逢霜雨行營對雪雲明朝郭門外長揖大將軍

送杜侍御赴上都

避馬臺中貴登車嶺外遙還因貢賦禮來謁大明朝地
入商山路鄉連渭水橋承恩返南越尊酒重相邀

道林寺送莫侍御

一作麓州精舍
送莫侍御歸寧

何處堪留客香林隔翠微薜蘿通驛騎山竹挂朝衣霜
引臺烏集風驚塔鴈飛飲茶勝飲酒聊以送將一作歸

別睢陽故人

小小客遊梁依然似故鄉
城池經戰陣人物恨存亡
夏雨桑條綠秋風麥穗黃
有書無寄處相送一霑裳

郡南亭子宴

一作春宴

亭子春城外朱門向綠林
柳枝經雨重松色帶烟深
漉酒迎山客穿池集水禽
白雲常在眼聊足慰人心

早春陪崔中丞浣花溪宴得暄字

旌節臨溪口寒郊斗覺暄
紅亭移酒席畫鷁逗江村
雲

帶歌聲颺風飄舞袖翻花間催秉燭川上欲黃昏

讌鄭伯璵宅

正月風光好逢君上客稀
曉風催鳥嘒春雪帶花飛
堂上吹金管庭前試舞衣
俸錢供酒債一作行子未須歸

夜同宴用人字

北斗回新歲東園值早春
竹風能醒酒花月解留人
邑宰陶元亮山家鄭子真
平生頗同道相見日相親

過從弟制疑官舍竹齋

羨爾方為吏，衡門獨宴如。
野猿偷紙筆，山鳥污圖書。
竹裏藏公事，花間隱使車。
不妨垂釣坐，時膾小江魚。

揚州雨中張十七宅觀妓

一作劉長卿詩

夜色帶寒烟，燈花拂更然。
殘妝添石黛，豔舞落金鈿。
掩笑須歌扇，迎歌乍動弦。
不知巫峽雨，何事海西邊。

登金陵臨江驛樓

古戍依重險，高樓見五梁。
山根盤驛道，河水浸城牆。
庭樹巢鸚鵡，園花隱麝香。
忽然江浦上，憶作捕魚郎。

同王徵君湘中有懷

一作嚴維詩

八月洞庭秋，瀟湘水北流。
還家萬里夢，為客五更愁。
不

用開書帙

一作篋

偏宜上酒樓，故人京洛滿。

一作容

何日復

同遊

官舍早梅

堦下雙梅樹，春來畫不成。
晚時花未一作易落，陰處葉難

生。摘子防人到，攀枝畏鳥驚。
風光先占得，桃李莫相輕。

玉清公主挽歌

代宗之女

學鳳年猶小乘龍日尚賒初封千戶邑忽駕五雲車地

接金人岸山通

一作藏

玉女家秋風何太早吹落禁園花

別韋郎中

星軺計日赴岷峨雲樹連天阻笑歌南入洞庭隨鴈去
西過巫峽聽猿多崢嶸洲上飛黃蝶濫瀕堆邊起白波
不醉郎中桑落酒教人無奈別離何

送皇甫齡宰交河

將軍帳下來從客小邑彈琴不易逢樓上胡笳傳別怨

尊中臘酒為誰濃
行人醉出雙門道
少婦愁看七里烽
今日相如輕武騎
多應朝暮一作旦客臨邛

杜侍御送貢物戲贈

銅柱朱崖道路難
伏波橫海舊登壇
越人自貢珊瑚樹
漢使何勞獬豸冠
疲馬山中愁日晚
孤舟江上畏春寒
由來此貨稱難得
多恐君王不忍看

春園家宴

南園春色正相宜
大婦同行少婦隨
竹裏登樓人不見

金
卷一
花間覓路鳥先知櫻桃解結垂簷子楊柳能低入戶枝
山簡醉來歌一曲參差笑殺郢中兒

西亭子言懷

數叢芳草在堂陰幾處開花映竹林攀樹玄猿呼郡吏
傍谿白鳥應家禽青山看景知高下流水聞聲覺淺深
官屬不令拘禮數時時緩步一相尋

辰陽即事

一作劉長卿
詩題云感懷

青楓落葉正堪悲黃菊殘花欲待誰水近偏逢寒氣早

山深常見日光遲
愁中卜命看周易
病裏招魂讀楚詞
自恨不如湘浦鴈
春來即是北歸時

送僧

童子學修道
誦經求出家
手持貝多葉
心念優曇花
得度一作處北州近
隨緣東路賒
一身求清淨
百毳納袈裟

鍾嶺更飛錫
爐峰期結跏
深心大海水
廣願恒河沙
此去不堪別
彼行安可涯
殷勤結香火
來世上牛車

同諸公遊雲公禪寺

一作院

共許尋雞足誰能惜馬蹄長空淨雲雨斜日半虹霓
下千峰轉窗前萬木低看花尋徑遠聽鳥入林迷地與
喧聞一作隔人將物我齊不知樵客意何事武陵谿

哭護國上人

昔喜三身淨今悲萬劫長不應歸北斗應一作是向西

方舍利衆生得袈裟弟子將鼠行殘藥椀一作蟲網舊

絕牀別起千花塔空留一草堂支公何處在神理竟茫

茫

送盧舉使河源

故人行役向邊州
匹馬今朝不少留
長路關山何日盡

蒲堂絲竹

一作管

為君愁

題長安壁主人

世人結交須黃金
黃金不多交不深
縱令然諾暫相許
終是悠悠行路心

長沙失火後戲題蓮花寺

金園寶刹半長沙
燒却旁延一萬家
樓殿縱隨煙焰去

盡一作

火中何處出

一作有

蓮花

早梅

一樹寒梅白玉條，迥臨村路傍谿橋。
不知近水花先發，

疑是經春

一作冬

雪未銷

贈趙使君美人

紅粉青蛾映楚雲，桃花馬上石榴裙。
羅敷獨向東方去，漫學他家作使君。

句

嵇山賀老麤知名吳郡張顛曾不易
奔蛇走虺勢入

坐驟雨旋風聲滿堂

贈懷素見
顏真卿集

御定全唐詩卷一百九十七